

中國名山志



中国文献珍本丛书

中国名山志 (二)

全国图书馆文献缩微复制中心

资源知识
PDG

大岳太和山誌序

大岳距均州百里許古爲豫雍
之域寔惟玄武之神當之

成祖文皇帝起自燕邸入正大統惟
神陰佑靈蹟丕著用是大啓宮
宇以答其貺而武當之勝遂甲
于天下洛少卽聞之無從一寓

遊以慰仰止之想也嘉靖壬子

承乏晉臬側聞我

皇上法

祖敬

天屢感玄應特

遣大臣重事修葺惟時海內臣民

益加仰慕而洛願見之心尤切

無何拜

命來督茲山歷太行經唐鄧注均望天
表峻拔特立既而踰光穀入均
易祇詣極頂則竒秀爭出奪目
駭心而神宮仙館之煥然若若
非人力之能構者洛乃竊嘆曰
猗歟盛哉其天造地設者與詩

曰天作高山太王荒之彼作矣
文王康之惟斯之謂與乃觀舊
志則有未備焉者因語提督王

公佐曰

聖皇肇新此山公寔効有勞焉顧于
命文
志也獨可諉乎公曰茲佐責也
業已有成帙矣因取而讀之綱

提要舉爲卷九十有七志宮觀
之勝則圖可攷也志玄聖之跡
則紀可攷也志

御製諸文而褒錫之禮著志創修諸
勅而宗奉之典彰闡

列聖垂眷之休則像噐征差有志山
場香幣有志昭守臣提督之責

則內臣之

勅有志藩臣之

勅有志以至

上供之志示惟正之義

欽錫之志明特異之

恩而仙真之蹟禎祥之應靈物之

產職官詩賦之類諸凡因山而

有者亦各以次附焉詳而悉簡
而嚴實而不俚而我

成祖

今上修建之功烈與天地同其悠久
者尤章章明甚嗚呼公之用心
其亦可謂勤矣而不足以傳乎
且今天下海隅蒼生孰不知有

是山也雖朝謁而來者月無虛
日而未得其勝者尚多也今而
後凡有知者即按卷可悉而亦
弗苦于聞見之不侔矣公之功
不其偉歟抑公之被

簡于茲也十有八載其久也蓋前此
之未有者良由敬事之心有以

上徹于

宸衷故

聖恩之所以寵顧之者日厚是舉也
雖不足以盡公之忠勤而其體
國之忱于此可以徵其槩矣洛
也固亦有事于斯者也因敬爲

公序之

嘉靖三十五年歲次丙辰夏仲

吉日

賜進士第朝議大夫奉

勅提督太和山湖廣布政使司右叅

議管城王繼洛謹序

大岳太和三山誌序

天下之山多矣未必皆有名也
誌天下名山者有矣未必如此
山之誌之當重也蓋此山之秀
之靈之美積種種出竒非他山
比是故誌之不可以無作也佐
也承

命恭祀神宮十有八年于茲考之舊
誌詢之耆老觀之風物頗得其
詳其來也乾元發源其應也翼
軫二宿房城護其南漢水環其
北拱之者七十二峯表延之者
八百餘里此之謂天下名山之
拔出者也然非

真武不足以當之是以

玄帝稟天一之精成無上道飛昇而

溥靈光於八表照應而達嘉瑞

於累朝此之謂地靈而神化也

至于我

朝尤灼赫焉是以

太祖獲其神祐于鄱陽而外患以寧

成祖親其旌旗于霄漢而內難以靖

篤

命勦厥大臣創建宮殿以昭答神護
之庥恐香火無以奉也選道流
以虔祀之恐道流無以自給也
充佃戶以供贍之恐久而弗新
弗潔也編軍民以修葺灑掃之

恐民間之樵採也特加

勅以禁護之又恐其因襲而弛錯居

而玩也

簡內外守臣以提督之

列聖相承祀儀益厚此之謂

聖神相感通也及今

聖上臨御以來